



11.03.15

Inatsisartut suleriaasianni § 37, imm.1 naapertorlugu Naalakkersuisunut tullinguutut apeqquteqarfiginiarpakka:

Naalakkersuisunut apeqqutit:

- 1. Nuummi umiarsualiviliortoqarnissaa pillugu Namminersorlutik Oqartussat aningaasat pillugit 2011-mit 2013 tikillugu pingasoriarluni nalunaarusiortitsisimasoq ilumoornerluni (Assartuussinermut isumalioqatigiissitaq, Deloitte aamma Rambøll)?**
- 2. Nuummi umiarsualivimmi assartukkat agguaqatigiissillugit ukiumut 2,6 procentimik qaffakkiartortarnissaanik Assartuussinermut isumalioqatigiissitap siulittuutaa ilumoornerluni?**
- 3. Nuummi umiarsualivimmi assartukkat agguaqatigiissillugit ukiumut 1,5 procentimik qaffakkiartortarnissaanik, umiarsualivittaamillu aatsitassalerisut atuinerminnut agguaqatigiissillugu ukiumut 9 mio. koruuninik akiliuteqartarnissaanik Deloitte-p aamma Rambøll-ip siulittuutai ilumoornerlutik?**
- 4. (Assartuussinermut isumalioqatigiissitap nalunaarutaata kingorna) ukiuni kingullerni sisamani assartukkat agguaqatigiissillugu ukiumut qanoq annertutigisumik qaffakkiartorsimanersut Naalakkersuisut paasissutissiissutigisinnaanerlugu?**
- 5. Namminersorlutik Oqartussat 1979-imi eqqunneqarnerata kingorna assartukkat agguaqatigiissillugu ukiumut qanoq annertutigisumik qaffakkiartorsimanersut Naalakkersuisut paasissutissiissutigisinnaanerlugu?**
- 6. Uuliasiorneq mineralinillu allanik misissuineq taamani qaffasinnerpaaffianiimmat, Cairn allallu aatsitassalerisut Kalaallit Nunaanni 2010-mi 2011-milu ilitsiveqarnerminnut qanoq akiliuteqarsimanersut Naalakersuisut paasissutissiissutigisinnaanerlugu?**
- 7. Ukiuni tullittuni qulini aatsitassalerisut Nuummi umiarsualivimmi ilitsivinnik atuinissaminnut ukiumut 9 mio. koruuninik kikkut akiliuteqartarnissaanik**

naatsorsuutigineqarnersut Naalakersuisut paasissutissiissutigisinnaanerlugu?

- 8. Nuummi umiarsualivissaq pillugu Assartuussineq pillugu isumalioqatigiissitap isumaliutissiissutaani (qallunaatuuani) qupp. 333-imi allassimavoq, Nuummi Umiarsualiviup naammassineqarneratigut ”umiarsuit marluk 1100 TEU-nik ulapaarfiinnarni assartuisassallutik Kalaallit Nunaanni Nuummuinnaq assartuisassasut”. Tamanna maannakkut pissutsinut ataqatigiissillugu isigineqassaaq, ”maannakkummi umiarsuit 700 TEU-nik assartuisinnaasut pingasut, taakkunanga ataaseq attartorneqartarluni assartuisarput”.
Kalaallit Nunaanni umiarsuit assartuisinneqartarnerinut sanilliullugu umiarsuit attartorneqartillugit nunaqavissut sulisut qanoq pineqartarnersut Naalakersuisut paasissutissiissutigisinnaanerlugu?**
- 9. Nuummi umiarsualivissaq pillugu Assartuussineq pillugu isumalioqatigiissitap isumaliutissiissutaani (qallunaatuuani) qupp. 320-imi oqaatigineqarpoq, ”containerinut nutsamik umiarsualivittaarnikkut pitsanngorsaanerit kingunerisaannik suliffeeruttussat allanik suliffittaassapput”.
RAL-ip umiarsuini umiarsualiviinilu sulisut suliunnaarsitat sumi allami suliffittaarsinnaanersut Naalakersuisut paasissutissiissutigisinnaanerlugu?**
- 10. Containeri aalisakkanik imalik Uummannamiit asiamut nassiunneqarnissaanut sisamariarluni umiarsuarnut allanut nuunneqartassasoq (Uummannami, Aasianni, Aalborg-imi aamma Rotterdam-imi) ilumoorpa?**
- 11. Nuummi nutsamik umiarsualivilioreernerup kingorna containeri aalisakkanik imalik Uummannamiit asiamut nassiunneqarnissaanut sisamariarluni umiarsuarnut allanut nuunneqartassasoq (Uummannami, Aasianni, Aalborg-imi aamma Rotterdam-imi) ilumoorpa?**
- 12. Nuummi umiarsualivittaassaq Naalakkersuisut qanoq naleqassangatippaat?**

Tunngavilersuut:

Naalakkersuisut Nuummi nutsamik umiarsualiviliortitsinissaminnik pilersaaruteqarput. Tamanna pilersaarutaavoq annertoq, inuiaqatigiillu aktieselskabimut akiliuteqartarnermikkut imaluunniit akileraarutitigut akilertussaassallugu. Taamaattumik taamatut aningaasaliinissami piumasaqaatinut kingunerisinnaasaanullu ilisimasaqarnissarput pingaaruteqarpoq.

Ilisimaneqartutut ukiut sisamat missaat qaangiummata uuliamik gas-imillu misissuinerit aningaasarsiornikkut ingerlalluarput, soorluttaaq paaanissarpaaluit iluatsikkiartuaartut. Aatsitassalerinermi iluanaarutit naatsorsuutigisatsinnik ajoraluartumik 2015-imi taamak sukkatigisumik takkunnissaat ilimanangilaq. Sunniuteqartussaallutik suliniutit akisuut pinnagit

inuutissarsiuteqarnerup ineriartortinneqarnissaa sammillutigu, aningaasaliinissami pilersaarutigut
immaqa nalilersoqqittariaqarpagut.

(Agathe Fontain, Inatsisartuni ilaasortaq, Inuit Ataqtigiit)